



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

De ruina Ecclesiæ à prima perfectione. tit. 260

urn:nbn:de:hbz:466:1-29452

non credentes cogitent, quid tandem cum illis in futura vita fiet, si Deus hic sanctos suos permittit tribulari? & hoc dicit Petrus 1. Pet. 4. Si autem primum à nobis incipit tribulatio, quis erit finis eorum, qui non credunt Euangelio Dei? & si iustus vix saluabitur, impius & peccator vbi manebunt? Sic Christus Luc. 23. Si hæc in viridi ligno, id est, in me, &c. Sic pater corrigit peccatum, quod in maledictam & acerbissimam mortem proiecit eum, qui tamen non fuit aridū lignum, seu à vermibus corrosum, id est, peccator, sed sanctus filius Dei. In arido, id est, impoenitentibus & non credentibus hominibus, quid fiet? & Ierem. 25. Si primò puniuntur dilecti filij, id est, fideles: Vos qui non creditis & inimici estis, putatis, quomodo subterfugietis pœnam.

Tertiò, hæc nostra est consolatio, quoniam Deus non permittet hæc supra nos, vt ideò damnet, sed ne cum hoc mundo damnemur, 1. Corin. 11. At videant impij, qui gaudent de tribulatione clericorum, quæ erit ante diem nouissimum valdè magna & amara valdè, quando sectarij catholicos persequentur. At illorum damnatio & iudicium non tardabit, sic expelluntur de vrbibus & monasterijs catholici & pij homines, & subsannantur, sunt ludibrio omnibus intra & extra monasterium, sed non effugient ipsi manus Dei. Si ergo qui boni sunt, tribulantur: cogitent sic esse à Deo ordinatum, vt iudicium incipiat à domo Dei. Si autem mali, agant pœnitentiam, ne æterna mala illos apprehendant, &c.

*DE RVINA ECCLESIAE A
prima perfectione.*

TITVLVS CCLX.

Primò, plerique SS. patres pleni Spiritu sancto, sicut Vincentius, Methodius, &cæt. exponunt primam visionem Regis Nabuchodonosor de

ruina Ecclesiæ vsque ad diem nouissimum, quæ visio Regis talis erat, vt scribitur Daniel. secundo. Vidit Rex in somnis statuam vnā altā, id est, figuram hominis, quæ habebat caput de auro purissimo, pectus & brachia de argento, ventrem & fœmora de ære, tibiae de ferro, & pedes, quorum vna pars de ferro, & alia de luto erat: subindē vidit venire vnū lapidem de monte missum sine manibus hominis, qui pedes statuæ percussit, & statuam totam in scissuram reduxit: hæc visio Regis.

Secundō, ista statuā nobis demonstrat initium, primum & finem Ecclesiæ. Nam caput, quod erat aurum purum, significat initium Ecclesiæ, id est, tempus Apostolorum & martyrum, quia tunc Ecclesia erat in perfecta vita spiritali, & in ardore deuotionis & caritatis, ibi fides creuit, quia quotidie fiebant sermōnes, orationes & fractio panis, Act. 2. Tunc seruata charitas martyrij pro confessione fidei, & gaudebant homines pro nomine Iesu contumeliam pati, Act. 5. Tunc erat obedientia legis diuinæ, Exod. 20. Adificabantur Ecclesiæ, & in omnem terram sonabat Euangelium Christi, Rom. 10. Erant sacerdotes veri ministri, & dispensatores mysteriorum Dei, 1. Cor. 4. & hoc tempus durauit vltra 400. annos.

Tertiō, post hoc tempus mutata est Christianitas de auro in argentum, quod minùs valet. Nam tunc surrexerunt Arriani & alij hæretici, qui loquebantur errores contra diuinitatem Christi & fidem veram, & cooperante sathana factum est, vt verè totus mundus fuerit erroribus corruptus hæreticorum, & tunc incepit cadere deuotio populi erga fidem Christi. Dici non potest, quæ mala hæresis Arriana exercebat: incepit labi deuotio erga doctrinam, orationem, Euangelium, & motum est dubium de Christi Deitate. Sed laborauerunt plurimū doctores Ecclesiæ, Augustinus, Cyprianus, Ambrosius, Hieronymus, Tertullianus.

tullianus, Irenęus, ad conseruandam fidem catholi-
cam, & fecerunt etiam multa bona verbo atq; facto,
ita quodd tunc Ecclesia fuit argentea propter sanctos
homines, doctores, Episcopos &c. sed reducere ad pri-
stinum statum non potuerunt Ecclesiam, & illud tē-
pus durauit vltra quingentos annos.

Quartò, post argenteum statum venit Ecclesia ad
ęreum, ibi cępit hypocrisis pessima. Nam sicut ęs ta-
ctum sonat, sic inceperunt Episcopi solo nomine esse
Episcopi, currentes solum post diuitias, honores &
voluptates, negligentes verbum Dei & Sacramento-
rum administrationem, & cęperunt dici, Gratiōsi
Domini, non residebant circa Ecclesias, Simonia &
voluptas creuit, &c. sed excitauit Deus quosdam do-
ctores, Benedictum, Bernhardum, Basilium, &c. qui
etiam laborarunt aliquos centenarios annos verbo
& vita in Ecclesia, sed non potuit Ecclesia reduci ad
statum argenteum, &c.

Quintò, postea descēdit Ecclesia ad tibias ferreas.
Est enim ferrum durum, non potest tractari nisi per
ignem & malleorum percussione, in quo notatur
obstinatio & perseuerantia in malo & vitijs, quandò
non emendatur flagello. Nemo Episcoporum aut
prælatorum recipit reformationem, omnes religio-
nes & status defecerunt, & nemo seruat regulam su-
am. Nullus Episcopus satisfacit officio, & sic iam vē-
tum est ad vltimum statum Ecclesię, id est, ad pedes,
vbi vnus ferreus significat obstinationem & incor-
rigibilitatem: alter luteus, significans carnalitem
qua voluptuamur. Sic aurū optimum obscuratū est,
Threnor. 4. & color optimus verbi Dei, quod depin-
git animas, mutatus est. Sic patet quodd hæretici sunt
vulpes, demolientes vineam. vndè sathan per illos
sic fidem Christi debilitauit, &c. At Christus qui est
iudex & lapis sine manibus excisus, tandē omnia
conteret in consummatione sæculi per ignem.